

Lecturis

Josephus Voltiggi.

In evulgando hoc vocabulario mihi erat aliquid raptim præfandum de Illyrico et de ejus lingua, idque latino sermone. Nam ex tribus linguis in eodem contentis cum nulla sit per omnes nationes adeo effusa, ut passim a scientibus intelligeretur: insuper cum nulla in toto Illyrico hoc tempore existat propria litteratura, nulla communis litteratorum lingua, non idem scribendi modus, atque ipsæ alphabeti litteræ, uti sunt cyrillicæ, glagoliticae et recentes russicæ, propter diversas earundem formas et supervacaneum nonnullarum numerum cum illyricam Gentem universam in plures adversas partes ita discindant, ut illyrice ad omnium Illyriorum intelligentiam et voluntatem nequaquam scribi possit: Latina contra cum ab omnibus nationibus tanquam litteratorum lingua merito arrepta sit, idcirco hac una hic mihi utendum duxi.

Quidam nobilis Italus summus et nationis et linguae illyricæ aestimator cum eandem a me edoceretur, cupiebat præter voca-